

謂之爲恩愛僕衆生之類無有堅要爲堅固
想當爲講說計有常者爲現無常七吾謂衆
生求財利業則爲仇怨而反謂之爲是親友

吾爲造立顯親友行而爲蠲除勤苦之患究

竟滅度八吾謂衆生以反邪業各各處於若

干言教當爲講說清淨微妙無業之命分別

說法九吾謂衆生諸塵垢穢而見汙染於居
家事多有患害擾攘之務而爲說法當令出
去等度三界十二處於所作一切諸法因貪起
住衆緣所處諸立之相衆生於彼而修懈廢
當爲說法至聖解脫勸令精進度爲堅要而
說經法悉使獲安又加於是而復反捨無礙

巍巍至不退轉爲衆生故而造立行佛說此
大哀法門品時三萬二千人發無上正真道
意三萬二千菩薩得不起法忍

持心梵天所問經卷第一

二十五

及七

持心梵天所問經卷第一

及七

持心梵天所問經卷第一

際所處永無二事由是之故不喜不感猶如幻師所幻奇異之術又彼化人所行而至無喜無感是族姓子已得遊入諸法自然之相自然覩於如來所現變化不喜不感如來所化聞於如來所說辯才不喜不感假使如是分別諸法一切如幻等無差特不於如來殼

勤喜悅不於衆生有下劣意明網又曰仁者已解諸法相乎答曰族姓子假使有行諸法有處乃能問斯又問梵天仁何所行答曰一切愚夫所遵行者吾之所設行在于彼又問愚夫行婬怒癡狐疑計身是吾軀體是我所有行在邪見云何仁者行在于彼答曰卿爲

處爲無所處答曰一切諸法如來所教如來所處以是之故一切所教爲無所教一切所處爲無所處又問何謂一切所趣爲無所趣計無有人有所趣生以是之故一切所趣爲無所趣

爾時世尊讚持心曰善哉善哉若欲說者當造斯講於是明網菩薩問持心曰如向仁者所說一切愚夫所行吾之所修行在于彼設使如是者則爲倒行有所獲矣答曰豈可遊在所生致所行也又問梵天設不由生焉能教化於衆生乎答曰猶若如來之所化生若吾如彼生又問如來所化豈有生乎答曰寧

有變現所當現乎佛之境界誰所興耶報曰
有現所現及與境界雖有所現爲無所現答
曰吾之所生當造斯觀其所生者因緣立界
又問仁者豈爲因緣生死行乎答曰吾無因
緣生死之行又問以是之故何所因緣而緣
境界有所恐懼答曰猶如因緣畏懼亦

復如是計無有本者無所退轉

於是耆年舍利弗前白佛言唯天中天假使
有人而與斯等諸天龍俱入於言辭獲福無
量所以者何如今世尊能得遠聞斯諸正士
之所名号爲甚使矣何況乃值講說法乎譬
如有樹不立於地而於虛空現于莖節枝葉
華實如是大聖斯諸正士之所行相當作斯
觀住於諸法而現所生終始存沒周旋往來
現諸佛土而以上妙如是比慧無礙辯才自
在遊已已見如是智慧變化何族姓子及族
姓女不發無上正真道乎

爾時會中有一菩薩名曰普華謂舍利弗今

者耆年豈不得入此法性乎佛說耆年智慧
最尊何故不堪如是感動所變化乎答曰出
尊說余於聲聞上知其境界又問衆可解說
法境界乎答曰不也又問云何耆年有所講
說如其境界答曰如其所入所說亦然又問
耆年能令法性無邊際乎而造證耶答曰如
及八

三

是又問何謂隨其所入所說亦然唯舍利弗
隨其所入之所節限有所講說節限亦然則
爲限節自縛法性也其法性者無有邊際又
問普華其法性者無入相乎答曰唯舍利弗
假使法性無有入相然於法性無所入相仁
何纏設殷勤法性志解脫乎答曰不也又問
何以故答曰爲破法性梵天答曰唯舍利弗
若應平等順如所入法性亦如答曰普華吾
身欲見亦欲聞之答曰唯舍利弗云何法性
爲有所念一切諸法爲有所說有所聞乎答
曰不也又問仁者何故說言欲有所見有所
聞乎答曰普華世尊說曰則有二人得福無

量專精說法一心聽者以是之故仁者講法吾當聽之梵天又問耆年豈能滅於思想而思惟定聽於法乎答曰族姓子其滅定者無有二事聽法之理報曰耆年舍利弗身寧樂志于寂於本淨及諸法乎答曰如是族姓子一切諸法本淨滅寂報曰是故耆年舍利弗

不能堪任常定聽法所以者何一切諸法本悉寂靜舍利弗問卿族姓子寧能堪任不從定起而講法乎答曰唯舍利弗省察諸法豈可獲乎而仁說言不從定起能說法耶答曰不然梵天又曰是故仁者一切凡夫愚鈍之黨常得定意耆年又曰凡夫愚鈍以何定意

及八四

如無有解脫滅度亦如無本亦如答曰唯舍利弗其無本者無有差別不若干也其無本者無所歸趣所謂無本如無本者一切諸法悉入無本於是耆年舍利弗前白佛言唯天中天猶如大火熾盛赫奕無所不燒諸族姓子亦復如是諸所說法皆分別了一切法性處靡不盡此尊告曰然舍利弗諸族姓子講說法性如汝所云

別乎答曰唯舍利弗誠如所云吾之所察又不欲令凡夫愚鈍及與聖賢造若干也所以者何諸賢聖法無所滅除愚鈍之法亦無所與猶法性等以斯之故無有度者則復而問

而三昧乎答曰一切諸法而無所趣斯曰常定又問如是等習凡夫愚鈍及與聖賢無差別乎答曰唯舍利弗誠如所云吾之所察又不欲令凡夫愚鈍及與聖賢造若干也所以者何諸賢聖法無所滅除愚鈍之法亦無所與猶法性等以斯之故無有度者則復而問

舍利弗察於智慧有言相乎答曰不然又問其智慧者行不普乎不平等耶答曰如是誠如所云智慧平等又問何故諸法普等乃爲智慧而反講說智慧之限答曰然族姓子智慧法性無有邊限繫在限者從其境界因本慧行而有所入又問仁之所知其無限者而

可限乎答曰不然又問以何齊限而自繫礙有所說乎時舍利弗默然而無言

於是賢者大迦葉承佛聖旨前白佛言雖然世尊明網菩薩何故号曰爲明網也於是世尊見於耆年大迦葉請欲令衆會德本具足告於明網汝族姓子自現本德所造之業而

及八

五

致淨光當爲天上及世間人顯示暉曜令菩薩衆所爲善本志純淑者或發道心使得精進明網菩薩聞佛音詔更整衣服便從右掌纏網指爪尋放光明通徹無量不可稱限照於十方諸佛國土無有邊際而悉普周一切無量不可計會諸佛世界地獄餓鬼畜生羣

明首聲瘡瘍跛蹇疾病尪羸狂駛愚冥懷姪怒癡裸形不蔽若飢若渴若繫若縛貧匱醜陋老耄年邁法應當死慳貪嫉妬犯戒瞋恚懈怠放意惡知無信而無博聞不知慚愧墮於邪見六十二疑生於八難不閑之處悉蒙斯光尋時皆安彼時衆生則無貪婬不患瞋

怒不迷愚癡無有結恨亦無惱熱當爾之時世尊之前諸來衆會菩薩聲聞天龍鬼神捷沓和呵須倫迦留羅真陀羅摩跋勒比丘比丘尼清信士清信女普現一像悉爲金色一切等現相好形容皆如如來普現一等無見頂相身如金剛一切盡坐自然蓮華珠交露

帳衆寶之蓋一切悉等而無差別現自然身如佛無異一切色身悉獲安隱猶如菩薩逮得三昧名興歡豫彼時衆會怪未曾有各各相見悉如世尊而無差別不復自觀疵瑕之體適放是光尋時下方有四菩薩自然踊出叉手而住各自念曰今者當禮何所如來空

中有聲則語之曰明網菩薩殊特光明普令衆會悉現一色爲如來像時四菩薩得未曾有則舉聲曰假令至誠吾等所遠如今所覩色像一類無異諸法平等而無差別以斯真諦而無虛者吾等特當覩能仁佛瑞應之體設見如來當奉事之

於時世尊蓮華交露師子之座去地七尺時四菩薩稽首佛足俱發聲言至未曾有天中之天如來智慧不可窮極明網菩薩本性清淨德願乃爾演其光明令諸衆生威容顏貌所現若茲於時世尊告明網菩薩汝族姓子還攝光明所顯弘曜以作佛事多所建立今

及八

六

無量人志于道心明網菩薩聞佛教命則還攝光應時衆會一切如故威儀禮節復現如前如來獨處於師子牀者年大迦葉前白佛言斯四菩薩從何所來四菩薩曰吾從下方異佛界來又問世界所名答曰衆寶普現又問如來至真其号云何現說法乎答曰号一

寶蓋如來于彼講法又問彼之世界去是遠近答曰世尊知之又問仁等何因至此答曰明網菩薩演放光明吾於本土見其光明下方佛國聞于能仁世尊明網之名故詣此土欲觀世尊稽首奉事欲覩正士明網菩薩大迦葉前白佛言衆寶普現世界一寶蓋佛土

去是幾所佛告迦葉下方去此七十二江河沙等諸佛國土乃得衆寶普現世界一寶蓋佛所處此四菩薩從彼間來又問世尊幾如意頃乃達到此告曰一發意頃便來至斯迦葉白佛難及大聖菩薩大士所放光明神足聖達巍巍如是明網菩薩演其光明照達無際斯四菩薩尋即至此其誰見是神足威變智慧所爲而不願樂建立大乘世尊告曰如汝所云諸菩薩行不可思議聲聞緣覺所不能及也

持心梵天所問經問談品第六

於是大迦葉謂明網菩薩族姓子以何因緣

及八

七

汝現光明猶若如來威容姿顏紫磨金形衆會蒙曜色像普齊答曰唯大迦葉當問世尊而發遣之者年尋時前問大聖佛告迦葉明網菩薩得爲佛時當爾衆會悉紫金容咸樂一義同心篤信達諸通慧無有聲聞緣覺之名純諸菩薩大士之衆迦葉白佛其有菩薩生彼佛土便當謂之爲如來耶世尊告曰如是迦葉如爾所言便當謂之爲如來也爾時四萬四千人皆發無上正真道意願生彼土異口同音僉共歎曰明網菩薩得佛道時吾等悉當生彼佛土於是迦葉復白佛言明網却後幾如當成無上正真道爲最正覺乎佛

告迦葉自問明網久如成佛當爲汝發遣之者年迦葉問明網曰仁族姓子久如當成無上正真爲最正覺乎答曰唯迦葉若有人問言幻師化人久如當成無上正真爲最正覺乎以何答彼報曰族姓子幻師所化虛而無實何所答乎答曰如是一切諸法猶如幻化自

然而成何問如斯仁當久如成最正覺又問云何族姓子猶如幻師所化幻者寂寞不可分別無有想念亦無言辭仁謂諸法亦如是以何限節利益衆生開導之乎答曰如道自然人亦自然如人自然幻亦自然如幻自然衆生自然如衆生自然諸法自然亦復如然衆生自然如衆生自然

此唯大迦葉以計於斯不當觀採有益無益亦不有利亦不無利無度不度又問不立衆生於佛道乎答曰如來之道有立想乎報曰不也以是之故吾不建立衆生之類於佛道也亦不令志聲聞緣覺又問族姓子如今仁者於何所立答曰如無本立吾之所立亦復

如是又問如無本者則無所立亦無退還答曰如是猶如無本而無所立亦無退還其無本者亦復如茲立無所立以是之故吾謂諸法無立無退又問明網仁者何以開化衆生而言無立無退乎答曰其有解達志有所願微妙之事不化衆生其於諸法有退還者亦

及八

不開化又問卿族姓子不還衆生出生死乎答曰吾亦不得於生死事亦無所見況還衆生又問仁者豈不化於終始展轉衆生之倫至泥洹乎答曰吾亦不得泥洹亦無所見何因勸化衆生類乎譬如族姓子設無終始不得滅度今何以故勸化開導無央數人行佛

道平斯等衆生不求滅度耶答曰假使菩薩若得生死者有泥洹也爲衆生想而言有人以行佛道不爲菩薩不當謂之求於佛道也又問卿族姓子於何所行答曰吾身所行不行生死不行滅度無衆生想唯大迦葉向者問言於何所行如化如來之所行者吾之所行亦從于彼答曰族姓子如化如來不有所行答曰一切衆生相亦如是不當觀之而有所行也又問族姓子觀衆生行相如是乎何故衆生行姪怒癡其化如來無所染汙亦無結恨無所忘失是故耆年今欲相問如其所知以報答之又如耆年豈爲有此姪怒癡乎報

曰不然又問其姪怒癡寧有盡乎報曰不然假使耆年無姪怒癡亦不滅除其姪怒癡從著何所報曰唯族姓子愚鈍凡夫處於顛倒思想衆念有所慕求應與不應則便習行於姪怒癡又諸聖賢則以法律覺了顛倒便不習行思想衆念無應不應則便無復姪怒癡及八九

也於迦葉意所憶云何其處顛倒而生諸法從致法耶因有所生爲無所生報曰族姓子其不有生則無所生答曰唯大迦葉意趣云何其不有生無所有者寧有所生乎報曰不然答曰如是唯迦葉其不有生欲令生者於何所生乎報曰不然又問耆年爲求所生緣是致生姪怒癡乎報曰不然答曰以是之故唯大迦葉何從得致姪怒癡乎衆生倘著致塵勞耶報曰如是如是族姓子一切諸法本爲悉淨無姪怒癡答曰吾以是故而說此言一切諸法悉如幻化如來自然之相說是語時四萬四千菩薩得柔順法忍

於是大迦葉白佛言其有目見明網菩薩不歸惡趣諸魔官屬不能得便假使有人聞說法者斯菩薩等終不墮落聲聞緣覺所處之地其見教授有所講者佛已歎於明網菩薩國土之德佛告迦葉明網菩薩所遊佛土則所遊處開化度脫無數衆生迦葉爲見諸族

姓子蒙光者平答曰已見世尊告曰假令三千大千世界滿中芥子斯數可知別其多少明網菩薩所開化人立于佛道不可計量迦葉欲知明網菩薩假使衆生見其光明以權方便而說經法又復迦葉聽我所說此族姓子國土差特名德嚴淨明網處所明網菩薩六百七十萬阿僧祇劫過是數已當得作佛号普明變動光王如來至真等正覺明行成爲善逝世間解無上士道法御天人師爲佛世尊世界名等集殊勝適詣佛樹則得爲佛其佛國土無有諸魔及諸魔天一切皆志無上正真之道其佛國土以妙栴檀而爲土地

世界平正猶如手掌若網縵也其界衆生身體柔軟土地和良安隱豐熟一切衆寶合成佛國無沙礫石荆棘之穢無有惡趣勤苦之患亦無八難不閑之處其佛境域悉生蓮華斯諸蓮華悉以寶成其華甚香若干種色世界廣大東西南北不可稱限普明變動光王

及八

十

如來有無央數諸菩薩衆隨其音聲佛法聖衆威神變化以光莊嚴逮揔持藏辯才無礙智慧名德獲大神通降伏衆魔志意所遊常知羞恥精修聖明以慧教化佛言迦葉又彼佛土不生女人一切菩薩生寶蓮華自然長大斯諸菩薩以禪爲食屋宅經行牀櫈卧具宮殿浴池園觀產業譬若天上其普明變動光王如來所講經法無文字說唯諸菩薩蒙佛光明適照其身即便遠得不起法忍光明消竭姪怒癡垢又其餘明至他佛界消滅衆生色欲之塵令無瑕疵斯等順律佛告迦葉其光明中自然演出法門之音三十二事何

謂三十二諸法空哉淨一切見故諸法無相哉離想念故諸法無願哉已度三界故諸法無欲哉本淨寂然諸法無怒哉蠲除衆相諸法無癡哉離諸幽冥諸法無來哉都無所起

諸法當來哉順於遊觀諸法無住哉爲自然立諸法永度哉無去來今諸法無異哉則爲

自然諸法無生哉爲無報應諸法無造報哉

無所興故諸法無作哉因行而起諸法無形哉緣念而有諸法無貌哉離諸所生諸法審諦哉覺了眞實諸法至誠哉爲同一等諸法無人哉無獲人故諸法無壽哉爲真究竟諸法愚騃哉不受教故諸法護視哉蠲除諸結

及八十一

諸法無著哉爲無熱惱諸法無近哉本淨無塵諸法一品哉眞際寂然諸法懼怕哉爲一等定諸法住本原哉因對而發諸法無本行哉而緣破壞諸法等御法性哉一切普入諸法無緣哉不相雜錯諸法覺哉順如所現諸法無爲哉無衆事對佛言迦葉是爲普明變

動光王如來光明出是輩聲以斯光明而照菩薩因作佛事其佛國土無有魔事無所妨廢佛言迦葉又彼如來壽無有量

於是賢者大迦葉白世尊曰設使有人欲取佛國當受清淨佛之境界亦當如斯令族姓子即當具足一切普備佛言如爾所云從不

可計億百千垓諸如來所志願清淨

爾時持心梵天謂明網菩薩今者如來授族姓子波乎答曰梵天如來皆授一切人波又問云何授波答曰隨其所作而受報應斯爲受波又問以何因故授報應波所以授於仁者之波答曰梵天所謂緣者身無所作口無

言辭意不可見是爲罪福之所作乎報曰不然又問其佛道者有行相乎報曰不然道無有形亦無所有道即無名而無行相又問設無有行豈可令道有行之貌而有獲乎報曰不然斯故梵天當作斯說設無所造無有果報無有行貌無行貌性乃名曰道猶如道者

獲者亦如受波亦如不以行貌而授波也又問族姓子不行六度無極然後受波乎答曰如是梵天行六度無極然後受波又復聖賢捨一切塵是則名曰施度無極設無所行無所造者是則名曰戒度無極靡所不堪是則名曰忍度無極假使憺怕是則名曰進度無

極隨如應住是則名曰寂度無極而悉曉了是則名曰智度無極設令梵天若有菩薩而奉行斯六度無極寧有行乎答曰無有行也所以者何如應行者設有行者有所行者則無所行無所行者斯乃爲行答曰是故梵天當建斯說無所行者則爲道行又如梵言爾

及八

十三

已受波至于道乎設使法性已無本者斯無本者所見授波吾之受波亦復如此答曰族姓子其無本者及與法性悉無授波答曰受波之相亦復如是猶如無本及與法性等無差特於是持心梵天白世尊曰其菩薩者爲何所行而得受波至於無上正真道乎

佛告梵天假使菩薩所行不起於行亦無所滅不行於善亦無有惡不隨出行亦不度出無有罪行亦無有福不犯於行亦無不造無漏行亦無不漏無有造行亦無不造不爲有行亦不離有不專修行不離專修無斷除行亦無不除無生死行亦無滅度無有見行亦無所聞無意念行亦無所知而不行施亦無慳貪不奉禁行亦無所犯而無忍行亦無不忍無精進行亦無懈思不行禪定無所專一不行智慧亦無不智亦無達行亦無所入佛告梵天假使菩薩所行若茲如來則爲授斯波矣當成無上正真之道所以者何設使梵天應如行者有所行者志有所造若行於道而起想行若無所想而行於道有所造行若無造行行於道者有所放逸無所放逸有所戲樂無所戲樂斯爲道者則非道行以是之故梵天當知莫作斯觀皆度一切諸所造行則爲菩薩乃得受波又復問曰唯然世尊

及八

十三

所謂授決而得決者爲何謂耶。世尊答曰。一切諸法除諸有二則名受決於一切法而不造二則名受決於諸所起而等衆色則名受決其身口意所爲憍慢則名受決。佛告梵天吾自憶念往古世時爾時有劫劫名善見而於彼劫供養七十二劫諸如來等。

斯諸如來不見授決復次有劫劫名善化千彼劫中加復供養三十二億諸如來等不見授決復次有劫劫名梵歎吾於彼劫而復供侍萬八千佛不見授決復次有劫劫名欣樂吾於彼劫加復供養三百二十萬諸如來衆彼如來等不見授決過是然後復次有劫劫名大演而於彼劫亦復興出八百四十萬諸如來衆吾悉供養斯諸如來以若干種隨其所安而奉進之又彼諸佛不見授決。佛告梵天今吾一劫若復過劫說諸如來所有名號昔所供養諸佛之數又復在彼淨修梵行一切布施所有供具靡不獻進遵一切

戒而悉具足奉忍辱慈離於結恨殷勤精進一切所聞皆包攬持一心定意所行寂寢坐而專思亦有講問音聲智慧斯諸如來不見授決所以者何用所造行而有倚故梵天欲知當造斯觀皆當超度一切諸行斯乃名曰菩薩受決然後值見錠光如來爾乃獲致不起法忍錠光正覺見授決言汝於來世當得作佛号能仁如來至真等正覺明行成爲善逝世間解無上士道法御天人師爲佛衆祐當彼世時乃超衆行具足六度無極所以者何皆悉棄捨一切想故無有衆想是則名曰施度無極蠲除一切所在緣使名曰戒度無極忍於諸界名曰忍度無極於一切行皆悉寂然名曰進度無極於一切念而無習行名曰寂度無極了本清淨不起法忍是名曰智度無極見錠光如來尋則具足六度無極吾初發意來一切放捨所可施與百倍千倍万倍億倍巨億萬倍喻五蓮華供養之德不可相及八

比無以爲喻從初發意布施知足奉禁慎戒忍辱仁和究竟受恥堪任於法精進殷勤遵修不倦禪定寂寢常無有著從初發意觀察智慧常不放逸計斯智慧諸度無極百倍千倍萬倍億倍巨億萬倍不可相比無以爲喻是故梵天當造斯觀在彼世時尋即具足六

度無極又問世尊云何具足六度無極大聖告曰不念於施不著於戒不想忍辱不專精進禪無所住智慧無二是爲具足六度無極又問假使具足六度無極何所具足答曰設使具足六度無極便即具足於諸通慧又問世尊設具六度云何即便具足諸通慧乎答曰梵天若等布施則等諸通慧如等戒者則等通慧設等忍者則等通慧如等精進則等通慧如等禪者則等通慧等智慧者則等通慧已能等此則等諸法便能平等於諸通慧復次梵天念具足施則具通慧念戒念忍念進念寂念慧悉具足者則具諸通慧矣離諸

通慧念斯名具足六度無極備諸通慧也如是梵天已能具足六度無極則便具足諸通之慧又問云何具諸通慧大聖告曰眼不受色耳不受聲鼻不受香口不受味身不受細滑意不受法其無有內亦無有外而不所由亦無所受亦不自念具足周遍諸通之慧已

及八

十五

具足此名曰諸通慧也眼不著色耳聲鼻香舌味身更意法而無所著以故如來慧無墨礪所見無限達諸通慧者則復不受諸通慧也所以者何若欲成就諸通慧器則不成器而無有器已無有器則曰曝露已能平等曝露行者爲諸通慧斯無所受猶如梵天一切所爲悉依倚空空無所倚一切悉達無所不知而志求倚諸通之慧知諸通慧無所倚求又問世尊諸通慧者爲何謂耶何因名曰諸通慧乎世尊答曰諸通慧者假託名耳悉無所著普了衆行無有聲聞緣覺之事名諸通慧探一切念而療治之名諸通慧而皆分別

諸所至趣名諸通慧智不可限曉衆生行名
諸通慧分識一切隨時而學順有所學不復
學緣覺之慧無所不達應時現教名諸通慧
等療隨行順不失時名諸通慧曉知諸藥所
可療者名諸通慧滅除衆病名諸通慧拔諸
墨礙倚著根源名諸通慧常三昧定名諸通
慧了一切法無有疑網名諸通慧究竟普達

靡所不知開暢世間度世之慧名諸通慧綜
練分別所說周備一切敏達梵天是故名諸
通慧於是持心白世尊曰至未曾有天中之
天諸佛世尊而無有心因慧名心心本清淨
如來至真究竟曉了衆生心行唯然大聖若
有族姓子族姓女聞諸通慧其誰不發無上
正真道乎乃致斯類無量之德與發殊特於
是明網菩薩白世尊曰假使菩薩希望名德
而志道者則為不慕佛道不立大乘所以者
何一切諸法則無名德無有鬱黨天中天斯
非菩薩之名德也天中天無有緣應爾乃名

曰建志佛道因於大哀欲滅衆生苦患惱故
忍於己勞不以厭倦不畏終始以無量故不
斷佛教故護正法故敬聖衆故又以善法除
惡法故諸見脫門以解度故療除諸病令滅
盡故救濟一切生善處故將順拯拔所愛憎
故於世間法無所著故驅逐生死令得出故
及八十六

處於無爲務安隱故唯天中天又諸菩薩不
當疑望不爲衆生有所造作而有希望亦無
所疑天中天菩薩大士不以苦樂而患厭也
天中天何謂菩薩種姓清淨世尊答曰菩薩
不以族姓轉輪聖王不以帝釋梵天有所生
處種姓清淨菩薩所立能具德本與發他人
衆善之源是為菩薩種姓清淨又在畜生所
生之處則離諸見慈悲喜護等與法樂除意
瑕穢是則菩薩種姓清淨施為種姓無所恪
故戒為種姓無熱惱故忍為種姓離瞋恚
故進為種姓無懈怠故禪為種姓一心定故
慧為種姓無闇蔽故斯為菩薩棄諸瑕穢不

捨道心則爲菩薩之種姓也不樂聲聞緣覺乘故

持心梵天所問經論品第七

於是持心梵天白世尊曰薄首童真在斯衆會默然而坐無所言講亦不談論佛告薄首豈能樂任說斯法乎有所及處屈意分別溥

首白佛世尊所因法義致正覺者又計彼法有言教乎告曰溥首法無言教又問其法寧有言辭有所思念講論說乎告曰法無言辭無所思念亦無論說又問假使諸法無言無念亦無講說則不可講持心梵天謂溥首曰仁豈不爲他人衆生講說法乎答曰梵天可

及八

十七

講法性分別二耶報曰不然又問其法性者不可銜之一切法乎答曰如是報曰若茲梵天法性無二然而法性銜一切法何因當爲他人衆生講說法乎又問溥首其有說法計吾我者豈不謂爲二事者乎答曰假使梵天有所獲致而有所說有聽者乎又問如來豈

不講說法乎答曰梵天如來所說則無有二所以者何如來無二不造二事又問假使諸法無有二者誰造爲二答曰衆生倚名而受吾我愚駢凡夫便造二事其二事者終不爲二何況無數以不造二甚眞際者則無有二不造二事又問其無二者寧可知乎答曰梵天假使可知則爲二事其可知者識無有二法知教者也如來雖說有至誠法如如來者則無所說所以者何又其法者無有文字又問如來說法何所歸趣答曰梵天趣無所趣則爲如來之所說法又問如來說法豈不歸趣於泥洹乎答曰梵天其泥洹者寧有歸趣

而反還耶又問其泥洹者無有歸趣亦無還反答曰如是如如來說法趣無所趣又問聽者云何答曰心等之故又問云何心等答曰如無言教亦無有所聞又問如來說法聽者何謂答曰假使於法性無所聞者又問當何因由曉了法乎答曰能分別者則不諍訟又

問云何比丘吾諍訟乎答曰斯者如應此不如應是爲諍訟斯有因緣此無因緣是爲諍訟斯爲欲塵此爲結恨是爲諍訟斯爲善事此不善事是爲諍訟斯爲奉戒此爲犯禁是爲諍訟斯當奉行此宜捨離是爲諍訟斯有所獲此爲時節是爲諍訟又謂梵天有名無名興於有數合會之事是皆名曰爲諍訟事如來說法無有諍訟無有漏失無有異行無衆訟理則爲沙門沙門無欲平等色像又問何謂比丘奉如來教如佛所言答曰假使梵天遭諸驅逐而見教戒不以爲患順如所教而不放逸不在二慧則順言教設貪衆求入

及八十八

不以惑則順言教不諍所志則順言教若護法者則順言教不亂正辭則順言教又問何謂比丘護正法乎答曰假使普持而不亂者則護正法不違法性則護正法又問何謂比丘親近如來順教行諦答曰設使比丘而於諸法不遠不近亦無所見是比丘者則親如

來奉順教也爲次第行又問云何比丘奉事如來而侍從乎答曰梵天設使比丘身無所造亦無所行無言無意則奉如來爲侍從也又問何謂供養如來答曰其不衣食恭敬承順者也又問誰爲見如來耶答曰其無肉眼亦無天眼亦無慧眼無所倚者也又問誰見

法乎答曰其不滅盡緣起者也又問誰爲覩見緣起者乎答曰其有平等不見起者也若使平等不復起者則無所生又問誰爲達神通者答曰其不起漏亦無所滅者又問誰爲學如來所學答曰其無所造若無所起無所捨者又問何謂獲致平等答曰於諸三界皆

無所逮也又問何謂善開化乎答曰於諸法所有無所著也又問何謂爲安乎答曰無吾我者也又問何爲脫乎答曰不爲諸縛之所繫綴者也又問誰爲滅度耶答曰不處生死不滅度者也又問漏盡比丘爲何所盡答曰梵天於諸所盡而無所盡則除盡漏其諸漏者

及八十九

則無有本了知無本此名漏盡又問何謂誠
謗諑諸言辭答曰其能分別解諸難者又問
誰爲成道答曰愚慧凡夫乃成爲道亦不懷
來於賢聖事無所歸趣曉了一切終始者也
又問其誠謗者當以何見答曰其誠謗者則
無有見所以者何其習所見則爲虛妄無所

觀者爲誠謗見又問何所觀者爲誠謗見答
曰於一切見而無所覩則爲謗見又問其誠
謗者當於何求答曰當於四顛倒中求又問
何故說斯爲何謂耶答曰四顛倒者推其本
末彼不求存亦無有安亦無吾我無有染淨
及與實事其無常者非常亦然其無安者非
安亦然其無身者非身亦然其無空者非空
亦然又若梵天於一切法無所樂者爲求聖
謗其求真謗則不知苦便不斷集不造盡證
不念由道又問當以何便念由道乎答曰無
念造行無不造行除於二事於道無道而求
道者於一切法而不可得斯乃名曰爲由道

耳若於由道無所起者無所不起亦無所斷
無所不斷無有生死亦無滅度所以者何亦
無有起無有不起則爲名曰賢聖之道

爾時梵志大姓之子名曰普行問溥首曰何
謂清信士而歸命佛歸命法歸命衆答曰設
族姓子不興二見斯清信士則歸命佛應歸

命法及與聖衆不自見身不觀他人亦不見
佛不自觀已亦不見法則不觀已不見聖衆
則不觀已不興諸見則清信士爲歸命佛及
法聖衆設清信士不入志慕如來之色亦不
志于痛想行識亦無造行亦無所知志趣如
來是則名曰歸命於佛而於諸法無所想念
而於諸法無所同像亦無比類是則名曰爲
歸命法於諸有形而無所倚亦不志樂於有
形者亦不志樂於無形者是則名曰歸命聖
衆若清信士不得於佛亦不得法及與聖衆
則爲歸命佛法聖衆普行菩薩而又問曰假
使菩薩志求佛道爲奚所析答曰則爲析空

及八

所以者何道等如空又問云何菩薩謂求道者答曰設使菩薩於一切求而無所求了知諸法已知諸法則了衆生是爲菩薩志祈佛道於是普行菩薩白世尊曰唯然大聖何故菩薩名爲菩薩佛告族姓子假使菩薩覩邪見類興發慈悲而爲分別正見之事誘進衆

生使入正道是故菩薩爲菩薩也所以者何其菩薩者亦無有御亦無不御爲衆生故而

心發願爲若干種墮於邪見衆生之故而逮志願故族姓子菩薩爲墮邪見衆生而發愍哀建立道志故爲菩薩也

於是道意菩薩白世尊曰我名志樂所名菩

薩佛告若欲樂者可說之耳道意白佛譬如世間男子女人晝夜精進奉八關齋無所毀失亦不缺戒如是大聖行菩薩者從初發意未成正覺常八關齋是故名曰爲菩薩也堅意菩薩曰假使菩薩堅固之性行慈具足是故名爲菩薩也

度人菩薩曰譬若如船又如橋梁若有人來悉過度之不以勤勞亦無想念其能有喻心如是行者是故名曰爲菩薩也

棄惡菩薩曰假使菩薩適能等立於佛土者則能蠲除一切衆惡斯則名曰爲菩薩也光世音菩薩曰假使衆生適見菩薩則得歸及八
九一

趣志于佛道但察名号則得解脫斯則名曰爲菩薩也

得大勢菩薩曰舉腳經行三千大千佛之世界一切魔宮悉爲之動是則名曰爲菩薩也患厭菩薩曰假使江河沙劫彼於晝夜殷勤精進若十五日旦夕造行若於一月若十二

月若於一年設若千年億百千歲乃有佛興若復施與江河沙等諸如來淨修梵行然後受波則爲衆生而發大哀建立於道亦不想念無有放逸亦無所疑心不懈怠斯則名曰爲菩薩也導師菩薩曰假使衆生墮邪道者爲發大哀立之正道不以戲逸有所希望

斯則名曰爲菩薩也

大山菩薩曰其於諸法等如大山而無想念

斯則名曰爲菩薩也

鉤鎗菩薩曰其有所見亦不覩除一切塵勞

斯則名曰爲菩薩也

勇心菩薩曰假使以心念一切法而發忍辱

無所增減斯則名曰爲菩薩也

欲師子變菩薩曰其無恐懼而無畏者於深

妙法降化諸外異學斯則名曰爲菩薩也

無念菩薩曰假使以心入於心者而無有念

亦無不念斯則名曰爲菩薩也

善潤天子曰假使生於諸天宮殿而無染汙

亦不歸於離欲之法斯則名曰爲菩薩也

誠言菩薩曰假使轉行於至誠者其言所入

如審諦者亦無不諦斯則名曰爲菩薩也

愛敬菩薩曰見一切色悉如佛像斯則名曰

爲菩薩也

常慘菩薩曰見于衆生沒於終始一切諸樂

而不與樂我當度脫於衆生類斯則名曰爲菩薩也

莫能當菩薩曰唯然出尊不爲欲魔之所危

陷斯則名曰爲菩薩也

常笑喜根菩薩曰踊躍無量諸根欣悅具足

已願所作已辦斯則名曰爲菩薩也

及八

廿二

壞諸疑網菩薩曰其不離意亦無狐疑於一

切法斯則名曰爲菩薩也師子童女曰其無

女法無男子法而能示現若干種形開化衆

生斯則名曰爲菩薩也

寶女曰不以珍寶而有所樂唯樂三寶佛法

聖衆斯則名曰爲菩薩也

離憂施清信士曰設無顛倒亦無迷惑菩薩

於道求一切法而無所得亦無所起亦無所

滅斯則名曰爲菩薩也

賢護長者曰設使菩薩假以名号導御衆生

至於佛道斯則名曰爲菩薩也

寶月童女曰假使常遵童真梵行所施平等

無所想念而不習欲何況志求於財富乎斯則名曰爲菩薩也
香華菩薩曰如忉利天子而以戒香薰塗己形爲菩薩者無異香流唯以戒禁之法香也斯則名曰爲菩薩也
造樂菩薩曰其不志樂於異法者唯志三法

奉侍於佛講說經法教化衆生斯則名曰爲菩薩也

持心梵天曰假使菩薩不志於法亦不慕於諸佛訓典欽尚光明而入趣者斯則名曰爲菩薩也

慈氏菩薩曰假使菩薩覩見衆生行慈三昧

得濟衆生斯則名曰爲菩薩也

溥首童真曰假使菩薩說一切法亦無所說復無法想亦不興發諸法之念斯則名曰爲菩薩也

明網菩薩曰假使菩薩所有光明滅諸欲塵斯則名曰爲菩薩也

普華菩薩曰在於十方諸佛國土見諸如來猶如衆華斯則名曰爲菩薩也如是諸菩薩各各辯現陳唱本志

於是世尊告普行菩薩假使菩薩爲諸衆生忍衆惱患則不志失一切德本而不棄捨衆生之類斯則名曰爲菩薩也

持心梵天所問經卷第二

九三

及八

持心梵天所問經卷第二
正行
瓦反篇韻不出耄
今之或作胡耄
莫報反年遇
下莫敗反往也
遠也

徙著上斯緊
反覆一沙礫下音
荆棘上音京下曝露
又蒲木反探土舍反
繫綵衛反觀秋下徒歷爲
奚下音芳奚常慘七感
危陷咸字去
没穀黨上
也根下丁明反
別譯云支黨也